



**Qanoq ililluta nunatsinni aalisarnermi aqumiunik inuttanillu teknikimik suliaqartunik atorfinitsitsinermi kalaallinik annertunerusumik atuinissarput pillugu apeqquteqaat allaavigalugu oqallinnissamik siunnersuut.**

(Inatsisartunut ilaasortaq Peter Olsen, Inuit Ataqtigiit)

Aallarniutigalugu oqaatigilara Demokraatini soorunami politikkerigatsigu sapinngisamik nunaqavissunik sulisoqartarnissaq. Aamma taamaappoq umiartortut pineqartillugit.

Ajoraluartumik nunanut sulisartunik piginnaaneqarluartunik amingateqarpugut. Taamaattumik Demokraatini pingaartittorujussuarput meeqqat atuarfiata pitsanngorsarneqarnissaa, atuarfiit ingerlaqqiffiit pitsanngorsarneqarnissaat, ilinniaqqiffiit pitsanngorsarneqarnissaat aamma inuiaqatigiinnik pilerinartunik pilersitsissasugut kalaallit Danmarkimi nunasisimasut angerlarusuttanniassammata, ilisimasatik piginnaanitillu nunatsinni atoriartorlugit.

Massakut pissutsit imaapput nunat allamiut sulisartut piginnaaneqarluartut pinngitsoorsinnaanagit aamma tassunga atatillugu isumaqarpunga pingaaruteqartoq inuit avataaniit suliarortut ataqqisarnissaat akueralugulu pinngitsoorsinnaanngikkigut.

Tassunga atatillugu pissanganarpoq Naalackersuisut akissutaat atuarsinnaallugu. Nunatsinni ukioq 2000-mili agguaqatigiisillugu ukiumut angallatit naalagassaannik marlunnik ilinniartitsisarpuq. Savalimmiuni agguaqatigiisillugu 20-t sinnilaarlugit ukiumut angallatit naalagassaannik ilinniartitsisoqartarpoq. Kisitsisit takutippaat sooq nunaqavissunik umiartornermi atorfiit inuttalernissaat ilaannikkut ajornakusoorsinnaasarnesoq.

Demokraatinili siunissaq isumalluarfigaarput. Ilinniarsimassuseq nunatsinni qaffakkiartorpoq kisianni kissaatigisatsit sukkatigisumik tamanna ingerlanngilaq. Pingaaruteqarporli ilungersortuarnissarput ilinniartitaanerullu ukkattuarnissaa. Aatsaat taamaaliorutta qularnaassavarput umiartornerup iluani atorfiit suli amerlanerit nunaqavissunik arriitsunnguugalumik inuttalersinnaajartulissavagut.

Taakkuqallarput oqallinnermut Demokraatini ilanngukkusutagut.